

Ҳамма нарсани биламан деяверманг!



13:00 / 16.12.2021 1583

Жангчи давлат арбоби бўлиши шарт эмас. Сиёсатнинг ўз ҳисоби бор. Жангни моҳирлик билан бошқарадиганлар ҳамма вақт ҳам давлатни моҳирлик билан бошқара олишмайди. Аниқроғи умуман бошқара олишмайди.

Тарихда бўлиб ўтган кўп жанглар муваффақиятсиз сиёсатга сабаб бўлган. Сиёсатчилар бошқарувда омадсиз бўлгач, урушларни ўйлаб топишади. Инқирозларини четга экспорт қилмоқчи бўладилар. Ташқи урушлар ички қўзғолонларни ман қила олмайди. Чунки халқ ҳукумат атрофидан айланмайдиган бўлиб қолади.

Наполеон Бонопарт сиёсатда муваффақиятни йўқотгач жуда катта уруш оловини ёқди. Бу уруш олови Акка деворлари ортида сўнди.

Уинстон Черчилл урушда омадини йўқотгач ундан кейинги биринчи сайловда бой берди.

Умар ибн Хаттоб розияллоҳу анҳу билан Холид ибн Валид розияллоҳу анҳуга қаранг. Улар иккиси ҳам ўз ишининг усталари эди. Умар розияллоҳу анҳу бекиёс давлат арбоби эдилар. Холид розияллоҳу анҳу эса иқтидорли қўмондон эдилар. Умар розияллоҳу анҳу давлатни бошқаришда Холид розияллоҳу анҳудан муносиброк эдилар. Холид розияллоҳу анҳу эса

урушда Умар розияллоху анхудан муносиброк әдилар. Агар қўшин бошқаруви Умар розияллоху анхуга топширилганида урушни Холид розияллоху анху каби идора қила олмаган бўлар әдилар. Агар давлатнинг калитлари Холид розияллоху анхуга топширилганида давлатни Умар розияллоху анху каби бошқара олмаган бўлар әдилар.

Ҳолбуки, Умар розияллоху анху урушни билар әдилар. Холид розияллоху анху ҳам давлатни билар әдилар. Аммо билиш бошқа экан, ўша ишдан хабардорлик ва моҳирлик бошқа экан. Умар розияллоху анхунинг қамчилари билан тузаладиган ҳалқни Холид розияллоху анхунинг қиличлари билан тузатиб бўлмас эди. Холид розияллоху анхунинг қиличлари билан тузаладиган қўшинни Умар розияллоху анхунинг дарралари билан тузатиб бўлмас эди.

Бу ҳаётда мутахассисликнинг ўрни бошқача экан барибир. Ҳамма нарсани биламан дейдиган киши аслида ҳеч нарсани билмайди!

Абдулқодир Полвонов